

1 / Admodu¹ R^{de} Domine. Accepi literas R^{dae} D.V. non subscriptas nomine vestro, sed fidem habui sacerdoti illi, qui hic negocia vestra procurat. Et quidē literae datae sunt die tertia februarii, sed mihi post multos menses redditae sūt, quae causa est, cur ego 5 quoque serius respondere videar. Quod attinet ad librū Rogerii Widdrincthoni, ego anno superiore respondi, et non magno, imo pene nullo labore. Hoc etiā anno liber typis mandatus est, sed iustis de causis differtur promulgatio. Sed ex libro quē scripsi contra Gulielmū Barclaiū, facile potest colligi, quid ad librū Widdrincthoni responderi debeat, nisi quod Widdrincthonus verbosior est, et multa extra rē dicit, et mihi passim apertissime calūniatur, ac plurima imponit, quae ego nūquā cogitavi. Itaque magnā mihi occasionem dedit orandi pro persequentibus, et calūniantibus me. Quod 10 vero ad Episcopos pertinet, ego quidē valde optandū semper existimavi, ut tandē aperiatur via aliqua, qua negociū istud ad felicem exitū perducatur. Quod reliquū est, gavisus sū valde, quod tantū virū ego aliquando auditorē habuerim, precaborque Deū, ut labores vestros, quos maximos esse scio, gratia sua secūdet, donec dicat spiritus, ut requiescat à laboribus suis. Interim valeat admodu¹ 20 R^{da} D.V. mei memor in sanctis precibus suis. Romae die, 12 Septembris 1612

Admodu¹ R^{dae} D.V.

Uti frater addictissimus

Robertus Card^{lis} Bellarminus.

25 Adr.: Admodum R^{do} D^{no}, D^{no} Georgio [Birckett] Archipresbytero Angliae.
(cachet)

Stonyhurst Mss. "Roman letters" 1578-1619 n.90. Orig., autogr. sign.

Epist. famil. XCVI.

L. le reste manu secr.